

111 年全國語文競賽原住民族語朗讀 【拉阿魯哇語】 國中學生組 編號 2 號

siangusipa ariatukurana

riatukuranaku ia ihlaisesa ucani mavacangu hla miahlivihlivia
angahlahlana, ihlaisesa mumua ucani mavacangu ucani pihlingi, ihlaku ia
ihlaisesa siacacihliisa kani'i pihlingina. karukuhlu mucukuhlu mahlukua
ariatukurana, tumatimahlakia ucani taruana mariatakahlai pisiarina
malitunulu pakiaturua tammutuvavurunga, timahla ia tamuucu mahlahlatura.

mucukuhlu miungu sipanguhluva ariatukurana,
taramasaihlae kumakitakia aucaucani hliupucua tavahlilha
rangacu matavuhliuna murumita marun ahliacuvungaku, tamuucu mutual
pahlu samahlumahlungu. hliasasaru 'ahlivi sipanguhluva ariatukurana,
rianu vuici matavuraruu 'ahlivi, hlaka taiacu miaungua ahlakahlamara.
ma 'ilikusu tavahlilha angacuna, mariaititia hlarangirangi cukahlanguta,
maci miungu takuacaniau ari apusiri hlarangirangi cukahlangu rumahlau,
kumakitakia ahlahlalua ahlahlaina
kirahlumuhluumu kirangangahlu mukakakua naani, musiri
pataku mavacangu hlarangirangi cukahlanguna, apailungusa hlarangirangi
cukahlanguna.

muhlusuhluu mukakakua rurumuna, ihlaisesa hlitamahlumahlunga
ariatukurana, ta'iaraisaka hlamunau lumili apuruhlu, tam sihlangu tapawisa,

pulupungu hlitamahlumahlungu ariatukurana rumahlau, mukakakua
uruamitana, miungucu mavacangu tuku parana, parana mitahlahlu,
naanina tamuucu maranaru, ucani takuangahla
takulukuluku upatu hlimiungu tacupunga, maci miungu tarisia
miatahlahluna, maru kani'i parana mitahlahluna tamuucu hliururahlunga
laulaavu umaiiapu hla matumuhlu langulangu. maniki taisa maranaru
parana mitahlahlu, pasahlusuhluu hlakana'ana tapilupungu, mapapihli
sialangahla taruana umiiapu. ma aisa parana mitahlahluna, ihlaisesa
sipiatahlukaina, taluvaulu umiiapuna, naani ia mataingalu tumahlaua
cucu'u pasaulaula'a, pamahlumahlungu atuhlungu, naani pi vahliungu
sipacaca laulaavu, marumumua laulaavu vahliungu mauvavaulu, kani'i
mumua ia hlaka siangusipia laulaavu umaiapuna, ihlaisesa mavacangu.

kuucaniiia ariatukuranakuna mavacangu, marumana matumuhlu
mavacangu siangusipia, pi mavacangu siusuaturua liliunga, marumana
takualangulangu pakiaturuana pulavu ihlahlamu. marapihlia siangusipiku
kani'i mavacangu liliungana, tamuucu pausakisakiri. marumukuaku
mavacangu ariatukuranakuna, taisa pihlingiku.

我的校園生活

我的學校是豐富的知識海洋，更是快樂又溫馨的大家庭。

走進學校大門，一叢叢紅色的牽牛花散發著清香，校門兩側的圍牆上爬滿爬山虎。牽牛花的後面就是迎風飄揚的旗，每次升旗時，只見幾位高年級的哥哥姊姊踏著正步走來，將鮮豔的國旗升上。旗桿兩邊的榆樹，既可遮雨，又能遮陽，更美化了校園。

再往裡走就是教學樓，由於剛剛粉刷過，就像給教學樓換了新裝。樓頂上插著國旗，就像給樓房帶上了美麗的皇冠。走進教學樓時，耳朵里遠遠就灌滿了同學們的讀書聲，真讓人如痴如醉！

參觀完教學樓，再往東走就來到了操場。每到運動會的時候，操場上便揮灑著同學的汗水，他們總堅持跑完全程，為班級爭得榮譽。操場中間的足球場，就是課間活動時最熱鬧的地方。這兒既有同學們的歡呼聲，也有嘆氣聲，都代表著生活的豐富多彩！

我的校園不但景色美，還有豐富多彩的生活，有舒適的學習環境，更有老師培育著我們。我為我生活在這樣的大家庭而自豪，我愛我美麗的學校——我的大家庭！